


龍頤山房詩集

夏孫桐署



Digitized by the Internet Archive
in 2010 with funding from
York University Libraries

稔願山

房趾餘

氣

蟾

餘

婦

弱

山

詞雖小道原於詩之比興諷刺天水
一朝樂章滋暢續騷抗雅羣怨兼
存時手清泰厥有山抹微雲之麗露
花倒影之工時手淪胥厥有叢臺暮
雲之恨斜陽煙柳之淒正變不同
源流斯貫秀上人臯魯直勸淫馮
當世顧小晏損才補德固嫌迂執劉

後邨又謂長短句當使雪兒轉春
鶯可歌方是本色亦難衡於值流
亂而抗音老焉余持此旨謬以自寫
而嘯麓初宗許以應於時海水羣
飛釣天方醉悠然人世渺兮余懷相
與並遊雲津寓聲汐社乍棲毫而
風咽旋擲笛而波涼言以達心滋危苦

之湊會樂以宣滯迺鬱紆其弗申始
恍然於身世所際若玉田之萬花吹淚一
葉漂零碧山之病翼驚秋枯形閱世
者適取之矣款薦天才軼舉靡不精治
而感時攬物託寄微至詩所不盡時出
暑聲千惻千排迴盪於腸魄一珠一泪
拍浮於酒悲瀆所著詞但覺纖綃

腕底生塵眼中未夏中仙鬱焉何遠
余少嗜此道每恨悠忽平世初不能託
旨騁妍中歲而還又嫌於吞聲損格
廢棄者有年矣近與嘯麓從事社詠
迴理前緒餘音急拍無當雅趣以視
嘯麓涵情婉約一往而深其能不有

愧於中乎戊辰晚秋姜盦徐沅



龍顧山房詩餘卷之一

瀟夢詞

侯官

郭則澐

蟄雲

菩薩蠻

蕋香吹夢東風晚
飛紅不隔湖亭眼
低唱度琴心
一雙花上禽
釣船輕勝屋
閒趁煙鷗宿
遂外雨瀟瀟
春燕長短橋

前調

春屏暗淚搖銀燭
牆蕉滴碎傷心綠
無語撥蘭薰
將愁與化雲
香殘偏怨曉
惹夢滄波杳
幽緒百無端
衾羅特地寒

六醜

次蒼虬韻詠海棠

記吹香舊館有倦燕飛回曾識錦城夢遙含顰歆翠幕
春去誰惜漫許金盤薦冷枝紅嫵浣雨痕猶濕長旂穩
護愁無力蝶瘦魂悽鵲寒淚滴凭欄為伊癡立又煙絲
弄暝零亂苔迹 年光輕擲况樊亭路隔送斷風花影
渾懶覓東風換了萋碧只蘊脂半掩暗傳芳息吟嬾恨
忍隨蜂翼憑扶起劫後春心底處更尋香國箋天罷虛
盼晴色待捲簾細賞千金夜仙雲駐得

水龍吟

堠園晚集見池荷葉底窅映新花倚此賞之

柳颺涼到闌干虹橋一曲題襟水嫣然半面偷窺菱鏡

含顰更媚猶似年時潘妃細步暗遮裙翠倩微波寄語
憐伊心苦鈿鈿影妝成未莫道紅兒最小儘撩人銷
魂滋味訶池浴罷粉輕香瘦天然丰致覓覓尋尋落磯
立徧幽禽能記怕雲裳解後西風卷去化相思淚

江城子

迪庵有詩賦瓶中水仙為填是解

玉冠妝就憶新筵楚雲飛戀仙衣檢取殘香含恨倚金
徽翠佩隔宵初解了應不似夢來時背人偷寫洛川
辭誤芳期怨天涯料得花魂吟髻兩成絲一翦燈屏春
影瘦休更遣峭風吹

醉太平

花畦半弓花闌幾重柳枝彈倚東風比春人更慵 春
心雪融春愁酒濃斜陽又過牆東賸一分瘦紅

買陂塘

泛舟南塘弔聶忠節次查灣韻

認前番畫橋單舸添來瀟碧如許輕曾界破玻璃影攪
起一雙沙鷺偷眼處早隔舫菱歌穩載花枝去風蒲似
語笑霧鬢煙蓑五湖圖就鉤約總成誤 斜陽岸指點
苔荒石古客來誰酌香土青林夜冷靈旗下颯颯藕颺
蕩雨君記取千劫後滄波不散銀濤怒涼雲易度又匿
影偎煙燈痕戀暝遮斷野橋路

浣溪紗

同浪公查灣息厂聯句

淚眼傷春又一年

浪公

斷紅零落帶愁妍

查灣

天涯處

處有啼鵲

蟄雲

欸夢飄殘珠箔雨

息厂

偎香吟瘦藥

鑪煙

蟄雲

柔腸轉盡憶從前

浪公

紫鳳輕盈小放嬌

蟄雲

花枝作意買珠翹

浪公

雲屏無

價是春宵

息厂

瘦損香桃憎釧重

蟄雲

吟殘紅豆怨

燈飄

查灣

楚魂禁得幾回銷

浪公

壺中天

遜園小集觀所供盆石云阻風夔門時所得或
魚復陣石之遺為填此解

蜀江何限記汀蒲如畫前番風色扁棹留君應有意分

與一拳秋碧滴溜疑穿皺雲比瘦奇骨何人識梅邊清
對夢痕猶戀煙沙 當日赤壁縱橫朦朧歛盡遺恨空
沈戟挾水奔猊留斷影只伴騷人行笈冰柱高吟雪盆
小供幽致俱無匹補天終負客中絲髯添白

惜餘春慢

又塵新得柳蘼蕪唐鏡屬賦

淬水荷青絨泥花碧片月輕盈如許調妝影事側帽芳
情漂夢更無尋處應憶驪宮曉寒星影初窺翠嬌紅嫵
奈雲屏人遠菱枝吹散暗隨風絮 還拾向紅豆花前
鬟雲梳罷賺盡輕憐低語琴川水咽綺閣苔侵枉費斷
腸詞賦匳底春魂漫招新樣點成一般淒楚賸無情鸞

影真真千喚箇儂知否

疏簾淡月

重游李園

青青柳眼乍隔水偷窺悄傳春怨寂寞閑庭冷榭夢雲
天遠花闌幾處欹斜影料韶光更無人管牡丹陰下那
回雙倚屨痕都斂甚金谷香塵易散只客鬢成星暗
添悽戀淺後蘋波吹皺一痕如泣登臨漫說春來早怕
春來翠燕零亂悶懷誰省孤禽啼處夕陽紅斷

鷓鴣天

栩樓春集次姜盦韻

啼斷殘鶯欲雨天畫樓如夢柳初眠潤侵簫局疑生醖

冷透琴衣懶卸棉
杯易盡曲誰傳
燈宵心事疊蠻箋
茶煙颺起春魂小
悄結龍華劫後禪

探春

詩趣軒春禊分得苑字

花夢留春柳煙迎
晚雨後闌干綠淺
小榼煎蘭輕衫躡
草總是年時游伴
偏幾番腰鼓早占
了秋千別院一般
畫裏樓臺何人添
寫芳鈿多事翠觴
頻勸便醉向東風
酒愁難浣倚劍心
孤題裙約誤攪入
瓊華幽怨都下
同人
約北海禊
游未赴
旅髻成絲否怕圖
上吳綾羞見煙外
啼鴉銷魂如賦秋
苑

三姝媚

園中紫丁香三株今春特盛風晨重對已半殘
矣悵然賦此

同心誰綰就又飛瓊迎歸霧綃春瘦碾碎仙雲怕玉煙
飄斷畫幰非舊夢破青鵲偏數到收香時候覓徧珠叢
慵弄殘薰思濃於酒還把東風低咒恁鉅釘陰晴暗
拋芳晝老去樊川奈乞花心事綠陰成後錦障千釘憑
紫笛曾歌垂手淚點明朝相思偷結青青似豆

賀聖朝

忺盒屬題後園所繪平安圖

鸞條鳳帟分明見似花枝輕顫春燈影裏驀相逢乍一
聲低喚殘陽銅陌香塵都換况飄零釵鈿相思瞞卻

說平安怕春人腸斷

解語花

閨花朝約同人
栩樓小集
列花作供
芳幟分題
坐月忘歸
清尊彌斃
分得序字

瓶蕤供几
鈿葉偎屏
催按霓裳
序瘦鶯啼
住重簾卷
娟娟亂紅
如舞檀心
正苦悄憶
到東闌前
度尋舊歡
蠻榼分攜
小夢迷花
霧因念逝
波斷羽話
瓊津天遠
春暗宮樹
舊香誰主
啼鴉恨總
付怨煙顰
雨流塵怕
數賸花影
如潮來去
拌醉吟休
負今宵須
翠尊深注

祝英臺近

詠苔

疊錢輕鋪罽碎一碧繡深淺掩上虛廊屣步幾回懶最
憐鈿閣愁凭香驄去遠賸行迹被伊遮斷寂寥慣祇
傍冷甃荒階幽情怕人見細雨殷勤殘英遣相伴憑誰
淨拭塵痕碾青成紙把離恨斑斑題徧

一絡索

詠草

一枕西堂醒否繞簾煙雨曲闌干外即天涯又綠到傷
心處目斷年時蘅浦暗愁無緒畫輪碾破不成茵怎
絆得春風住

滿庭芳

菊癡以閨中茉莉數本見貽海舶支風花葉憔悴

悴為填此解

蕊細拋珠葉低減翠海山來路迢迢峭帆風緊仙袂不
禁飄漫怨璫姿瘦損還留戀簾角牆腰鄉心遠零香喚
起乘月夢洪橋年時羅帳底鬟雲墜枕幾縷魂銷甚
欹煙玉悴影也無聊知否星星是淚偏吹鬢暗麝相撩
空辜負吳艘穩載幽佩勝瓊瑤

玲瓏四犯

詠闌影

密密疏疏恰亞字迴環苔砌低認月地斜看簞柱幾曾
端正扶出半幅驚鴻奈背面暗愁誰省又翠陰轉過雲
廊花底屨痕俱損斷紅千折描難盡印涼波井梧秋

近玲瓏不隔蓬山路偏寫離人孤凭一片畫格高低閃
入風簾燈冷問碧城何許空綰著相思影

清平樂

龍泉寺聽明淨上人撫琴

人來竹院半榻茶煙軟夢裏殘山歸雁遠彈入水雲幽
怨吟瓢禪版相依飛塵不到冰絲驚起簾前睡鶴松
風如繞峨眉

慶春澤

栩樓桃花盛開憶前歲花時與浪公聯吟之樂
感而成詠

綃薄籠霞鬟低斂雨背人偏自嫣然喚起春魂綺情多

少纏綿盈盈不隔東風面甚東風換了朱顏數流年錦
樣飄零淚迸鵲絃 亭陰暗記行吟地奈詞人去後殘
夢沈煙翦碎輕紅任教蝶醉鶯顛多情漫為傷春瘦便
情多那得春憐向愁邊飄墮香雲為舞仙仙

齊天樂

詠秋燈

窺窗碧颭天如水依稀暗愁來處靜墮雙花涼分半豆
聽到隔簾疏雨宵長更苦儘煎透蘭心悄諳譙鼓旅枕
醒初瘦魂搖碎向誰訴 春筵珠翠散盡賸枯龕伴影
霜鬢千縷黯黯沈沈悽悽悄悄銷得黃昏幾度荆臺夢
阻便翦恨成灰總牽殘緒照淚分明亂蛩啼到曙

玉京秋

詠殘荷用草窗韻

秋恨闊銀塘。渺千頃、雨聲淒切。水佩驚寒，霧裳怨晚，誰
題花葉容易。西亭夢破，甚汀蘆還舞迴雪。冷嶺、別液池
天迴。倦鷗空說。玉腕重拏，應怯罩鴛波涼雲半缺。影
悴誰憐，香清難駐。風懷都歇。瀉淚盤空，賸冷蒂、捱過新
霜時節。擢歌咽愁煞、前溪瘦月。

尾犯

詠雁字用夢窗韻

澹墨一行秋。迢遞夢痕淒對吟。越爭奈斜風更迴眸成
纈。殘照後汀煙乍灑。暮雲邊溪流共折。怕教飛散點向

荒灣孤影涼波咽 蜚騰憐意阻上林遠寄淚空別好
語誰傳正江湖天闊記書塔名心都誤怕登樓鄉愁又
結暗塵難寫付與冷絃彈夜月

霜葉飛

詠落葉

夢中煙樹長安遠飄盡知向何處一番霜信一番疏又
晚來風雨賸槭槭商聲自語停驂曾愛涼陰住甚暗牖
無情儘碎蹋秋林夕照斛塵捎去 經眼舊日風光空
栖鸞鳳冷落荒徑誰賦已拋根蒂任東西奈亂愁無主
正寂歷敲階細數天涯頻感蘭成暮怕故枝淒寒緊轉
綠蹉跎誤人筇拄

絳都春

題太平花影片

瓊姿似泣記彩駕駐雲花陰曾見

王建宮詞太平天子朝元日五色雲車駕

六龍繡軟御街移取春風入瀛苑飛英芳晝初開宴報消

息天山傳箭趙昌圖在誰分嫩粉染來宮扇愁遠笙

歌散盡瘦枝暗弔影倚天樓殿

杜牧詩萬國笙歌醉太平倚天樓殿月分明

漫弄舊香憶著當時應腸斷殘妝如對徐妃面賸飄夢

虛迎銅輦題庵憑問龜堂故情怎遣

疏影

和蒼虬同年湖樓感舊原韻

浮生是客恁暗波換夢春去無迹斷塔成灰淒黯斜陽

殘莎自弄煙碧江湖酒醒塵衫冷只劫後青峰相識傍
竹窗細檢蛛塵喚起亂愁難拭還憶燈宵覓句水天
舊恨滿蟾淚俱滴一霎顛風翠羽飛回誤了重闌春色
寒雲鎖斷孤山路併寫入庾郎蕭瑟怕夜來月上空枝
照鬢幾星添白

一叢花

以瑩園藤花製餅分饋詞白有詞見謝因填是
解和之

仙雲碎疊映屏紗卯椀勝槐芽玉纖新揀燕支菜

惠州豐湖

有燕支藤亦名藤菜見東坡詩注

論風味只屬詩家剛到半焦山禽喚

罷供我嚼春霞

團團休笑似蒸沙老去更迷花蓬山

舊夢紅綾冷算閒福不負殘牙一架綠陰歌筵敞處回

首是天涯

曩在都同宴雲龢堂藤陰下忽忽二十年矣

水龍吟

詠楊花用東坡韻

怪伊占斷殘春漫天舞罷和煙墜翻階浣雨繞闌飄雪
惱人情思黯黯濛濛嫩寒池榭畫簾空閉奈鶯慵蝶怨
故枝瘦盡愁欲斷吹還起撩亂詩魂似此盪斜陽鬢
絲羞綴靈和夢遠春痕千疊忍教揉碎結帶前歡浮槎
後約總隨流水算芳情不隔天涯處處惹東風淚

花心動

牽牛花同子年韻

銀漢分涼誤嬋娟仙衣五銖初試露綴鈿輕風颭鈴圓
扶上晚籬煙紫錦棚一角秋來早只聞伴吟人無睡驀
腸斷紅牆淺夢暗蛩啼碎 宛轉愁絲自繫偏盼到星
期替人憔悴妬煞漢宮夜月鴛鴦機虛伴渚蓮香墜洗車
消息前番雨認綃碧幾痕殘淚數離緒年年倩伊細記

木蘭花慢

次和查灣露臺夜飲

乍涼臺四敞燈影外小紅闌借露瑣延秋風絃待月禁
得幽單寥天唳鴻去杳黯愁雲灑徧米家山涼思微憐
越苧倦懷還理吳箋 當筵狂欲碎青珊邀夢到花前
奈鏡影傳愁箏心訴怨拋斷華年人間舊春在否又牽

腸處處聽啼鵲此夜西亭酒醒瓊娥知我無眠

慶宮春

蒼虬重返湖廬有詞見寄依韻和之

幽渚蜻迷閒扉螢度晚來寂寞如許樓外殘山相看疑
泣黛痕初浣暮雨繭蠶身慣又輕惹悲歡斷緒湖雲沈
夢覓徧虛廊冷絃愁撫最憐暗檢春痕劫後落根舊
香無據半畝荒涯結茆漫約心事都成虛語水天搖暝
甚淒弄危闌紺縷不須怨別還羨閒緣伴鷗留住

月下笛

詠絡緯和彊村韻

荒砌偎霜空簾弔月背人低語伶俚念汝絮西風甚情

緒紅閨刀尺新來懶只道是敲屏殘雨奈宵寒初緊秋
心攪碎蠟淚啼曙休誤牽愁住便錦字千迴驚腸難
訴笙歌夜午空房誰問鴛杼湖山拚付雕籠戲算賺取
銷金幾度付倦客怨天涯秋共王孫老去

瑞鶴仙

戊辰九日宰堵岡登高用夢窗韻

枕波疑斷嶠看亂蘆吹雪鷗鄉寒早蹉跎負芳草問行
吟何處總傷孤抱憑高縱眺暮雲深飛笳縹緲算人間
此水清冷肯照冷游巾帽愁道娶春觴闊泛月槎空
暗塵催老垂楊碧裊靈和影誤年少怕雕闌荒盡萸邊
詩夢虛付煙深水竈儘儻佻瘦塔多情替留晚照

百字令

詠晚菊和蒼虬韻

冷枝愁對正文園病後秋懷無著一朶冰霜天地窄芳
性肯隨搖落蕊細留香葉殘伴影併几朝寒薄老來陶
令岸巾風趣如昨回首舊徑都非冬屏歛笑羞共新
梅索惜取過時顏色在諳盡雪欺風虐晚節誰珍孤情
易謝憔悴同高閣漫辭簪髻客心遲暮堪託

金縷曲

詠寒鴉

聽到盤空語黯關河斜陽影裏亂愁如雨壞堞荒郵人
去後一片無情隴樹便聒盡淒涼誰訴墨陣翻飛爭巢

急問風枝漂墮知何處無限意趁歸羽
伶俜凍雀成新侶
驀迴頭
昭陽夢換玉顏都誤
啼過延秋千屋破頭
白空傷倦旅又斷影
霜笳催暮幾許衰楊飄零盡只隋
堤流水無今古
三兩點帶愁去

虞美人

和姜盦春夜聞笳

曙窗催白聲初緊
擁枕眠還醒
關心最憶在龍沙
霜曉孤鞍衣上落冰花
壯懷銷盡韶顏老
往夢迷春草
王喬按拍正淒涼
卻怪朱門聽慣只尋常

徵招

詠佛手柑

魀窗幻出兜羅樣蟠根倘依初地淺笑想拈花似天龍
舒指一龕燈影裏待重話雪天金臂證果何年戒香新
領夜寒如水密意和沈檀低擎處猶含露盤秋淚淦
淦逗霜馨認酥黃波膩梵語謂手為波膩倦情憑懣綺料輕負
鳳州殘醉冷吟罷悄斂薑芽耐點茶餘味

瑣窗寒

久病初起適詞社同人移尊小集疏花伴暝驟
雨分涼用樊榭韻寫之

徑曲偎雲樓深擱暝暗淙敲瓦玉壺舊賞負了綺春姚
冶乍惺忪涼花半慊屨痕印到閒庭榭記茂陵病起巴
山秋近者番情話平野迷灣以誤遂裏瀟瀟隔江唱

罷山魂水夢似與別開鷗社羨風情南浦畫橈開紅一
曲供醉寫只維摩未了枯禪暗怯衣香惹

石州慢

暑雨排悶用雨當軒韻

密葉交攔約住嫩露窗曉偏黑煙沈茶銼醖侵竹几銷
魂時節懨懨倦緒錯道淺夢梅黃迴腸說與江南客荷
響不分明共糟床偷滴 愁極花簾孤倚悶數虬壺乍
銷一刻翻羨閒鴛葉底新涼分得濛濛翠罨憶著舊夜
燈痕壁蝸冷篆虛尋覓窯色破遙青又雲峯都失

蝶戀花

瀋陽寄內次韻

補錄舊作

黯澹邊愁催馬去儂帶愁來偏汝和愁住將淚西風無
灑處斑斑紅徧天涯樹莫怨秋筇歸夢誤夢便相逢
那解相思苦小簾新寒誰說與曉鴉啼過關山路

附琬君原作

嘶騎聲聲人已去半榻餘溫猶戀香衾佳目極關
山凝望處惱他重疊離亭樹錦字傳愁偏易誤
入世青鸞初識相思苦夢裏欲尋君訴與迢迢不
識天涯路

清平樂

寄內和韻

補錄舊作

荒郵晚照瘦髻青山笑一片亂蕪連古道消得離腸千

繞朱樓夢遠如天相思雁後花前知道鳳城寒早征袍先與裝棉

附琬君原作

華燈四照曾照花雙笑纔著思量還自道莫被離愁縈繞
賓鴻嘹唳羅天西風獵獵簾前喚起箇儂心事伊人可御吳棉

龍顧山房詩餘卷一

龍顧山房詩餘卷之二

鏡波詞

侯官 郭則澐 蟄雲

西江月

嫋嫋歌塵初轉盈盈眉月難遮紅闌一角即天涯知否
酒醒今夜 細步暗留鳳鳥香塵輕送鸞車東風吹散
小桃花不管流鶯偷罵

臨江仙

泛舟有憶

一片銀塘菱鏡影多情曾照驚鴻柳煙漂夢兩朦朧水
花無賴甚還鬪臉霞紅 西去斜陽東去水相逢直恁
怱怱五湖心事冷秋蓬愁絲吹不散負卻白蘋風

醉花陰

支枕慊慊添酒困撩亂雙雲鬢花影忒迷離來似春潮
那似春潮準 惺忪偏省江郎恨燈背低聲問夢醒莫
傷春春向天涯夢裏天涯近

鎖陽臺

記夢

鈿閣塵寒簫廊雨暗夢痕悄記雙攜翠衾催起幽約惱
鶯窺漫道江南水遠花魂小不怕風欺孤醒夜青陵縹
緲蝶粉浣仙衣 飄零珠箔影人天路渺虛訂歸期甚
楚雲一瞥疑是疑非肯信愁紅送斷多情月還照街西
當時事羅巾淚盡春恨海棠知

徵招

臣盦招飲出建茶名雪梨者供客味之清絕意
有所觸漫填是解

冰甌悄寫東闌韻花前暗添清思莫是夢中雲被瓶笙
扶起溶溶仙影裏怕重泛玉妃殘淚憶著鄉山一枝春
到客愁銷未深院碾香塵銀瓶畔還疑箇儂芳字淺
渴儘難禁况離邊餘味嫌山歸夢殢只團月伴人無睡
待纖手點向東風定楚魂如醉

南歌子

詠楊花有寄

團雪重幰晚迴風小閣晴似無情處卻多情飛向蝶綃

裙底鬪輕盈 漂夢思前度耽狂誤此生帶將離恨付
輕萍只恐春池吹皺總干卿

菩薩蠻

畫簾深掩酴醾雪天涯酒醒空啼鴂芳恨玉人知羅襟
繡折枝 春陰無奈薄風颭金鈴索箏語綠楊樓絲絲
替綰愁

人月圓

楊絲無力東風緊柔到可憐時低絃調鳳深簾隔燕除
是鸚知 這回情緒千般難說肯怨來遲佯嗔更笑分
明鏡影春上歌眉

采桑子

多生總為聰明誤花樣嬌羞水樣輕柔團扇心情不耐
秋燈前憶著銷魂事雨夜高樓月夜扁舟打疊新愁
換舊愁

青玉案

聽雨

無慘偏又黃昏雨蕙煙冷慵添炷夢覺羅屏秋幾許
情難斷捲愁誰訴心比芭蕉苦紅樓遮卻搖鞭路嫩
涼夜偏孤度依約錦雲留影住偎簾微睇掩燈低語憶
著同聽處

高陽臺

留春和姜盦韻

輕舸雲移紋屏雨歇夢邊煙樹迢迢舊價千金思量忍
負芳宵錦韶來去無拘管儘留連燕暮鶯朝甚顛風送
斷酴醿怨咽瓊簫天涯碧草尋常見奈離愁喚起目
極無聊絮影多情飄飄還拂虹橋色身甘化絲千萬把
春紅裏向煙綃悄悄低徊曉枕鐘聲心痒誰搔

減蘭

閨怨

風儼雨憇鬢影今年春共瘦病後多愁紅了桃花懶下
樓尋思無益心事成灰拋不得寄語新鶯啼向君邊
一兩聲

前調

春陰如夢不道春人愁更重一縷雲癡悄傍闌干搭柳
絲當時輕別孤緒千般渾懶說來是空言昨夜朱樓
自管絃

洛陽春

瑩園賞牡丹

六曲闌干低凭晚庭香靜暗愁分付與蜂兒又捲入楊
花影粉靨偎煙相竝似伊嬌靚隔花不見去年人悄
覓徧青苔徑

武陵春

繡幕偎煙花夢懶微雨又鶯殘青鏡堆愁避卻難心上
影輕鷺道是無情還有意閒裏訊春寒盼斷湘波雁

未還天外九疑山

更漏子

醉還醒寒又暖誤了釵鸞箏雁消息暗石榴紅山重愁
更重春枕別丁甯說腸斷幾聲啼鳩歡易謝夢難猜
蘭薰一半灰

前調

綠萍新飛絮歇春在舊時池閣團扇底好風吹歡來儂
未知花夢覺雙釵落涼到黃昏簾幕行又懶似癡雲
低籠金蝶裙

鵲橋仙

和秋谷韻

輕顰貯怨微醒邀夢一寸臉波春逗隔闌花影去迢迢
只翠幙燈痕依舊都疑久住怎教輕別禁得為伊銷
瘦小屏曲枕鎮淒涼又細雨黃昏時候

采桑子

畫簾燈影愔愔地花比春濃人比春慵細語如煙意萬
重等閒難了相思債說著憐儂羞靨先紅儘在橫波
淺笑中

前調

春來偏是恹恹地瘦了蠻腰卸了雲翹便不魂銷意也
銷開簾悄向東風約明日花朝怎負今宵小簸春心
似酒潮

生查子

玼玼鳳皇絃彈怨聲如雨花底解明璫還怕游蜂妬
含恨待東風肯放東風去燈影小紅樓憶著纏綿語

卜算子

別館鎖春雲拋卻銀箏冷月比來時瘦幾分寫就歡愁
影盼到月兒圓重數西窗暝記得車聲過畫樓慣倚
羅屏聽

玲瓏玉

擷白蘭花供晶盤中倚此賞之

瑤佩雙垂記蘭舫小醉楓橋盈盈玉瘦倚風更為誰嬌
笑問生來瘴海恁珠娘丰格別樣苗條輕拋偏撩人兒

上酒潮 最是芳心捲碧便羅襟熏透無那涼宵錯伴
晶盤倩留香淺亞深凹容易冰肌愁損祇偷妬花田倩
影慣傍雲翹化身誤倚湘絃幽怨未銷

玉連環

瓊華春感用彊村韻

花屏影瘦風香卸酒腸春亞瓊仙招手話新寒多少淚
鉛波瀉 依舊柳邊臺榭冷鸚偷話曲廊行盡不逢人
偏目送斜陽下

菩薩蠻

集句

柔腸一寸愁千縷

李清照

無情歸燕辭人去

朱淑

去住若

為情舒亶燈殘夢不成樓扶

餘香空翠被王沂孫葉葉

梧桐墜晏殊人在畫圖間謝逸隔江何處山邵亨貞

風入松

湖墅即事

楚雲冉冉繞花行
雲比花明無情卻為衣香醉傍瑤階
飛上蜻蜒悄地教人雙撲不知何事干卿
夜來微雨過羅屏
殘酒催醒衆中誰信矜持慣憑消受笑淺顰輕
莫遣煙襦傷晚紅
蕖一半飄零

雙雙燕

送燕和雨漁韻

畫堂慣見甚芳夢
差池一簾秋透香泥宛在暗付斷煙

殘柳猶憶紅襟影瘦繫絳縷曾沾酥手分明細雨歸時
怨煞空梁廝守 偏又關心遠堠更寄語西風別情依
舊雙飛虛約拚得幾番回首聞說雲巢定後問珠館重
朝能否緘書怎寫相思誤了楚天雁候

蝶戀花

詠秋蝶

漂夢花簾纔一瞥冷翠閒園不信芳期歇瘦粉偎煙飛
又怯青陵前路迷茫月 輕去流光沈斷葉蹙損金泥
猶誤綃裙褶憔悴紅蘭如怨別舊時風露都愁絕

卜算子

眉萼月彎環心絮雲撩亂誤了前期又後期
簞柱參差

雁 梅落子猶酸蓮攣絲難斷不是狂香入夢慳夜夜
秋心懶

清平樂

翠陰深院一枕秋寒淺側映斜陽紅半面的芙蓉風
顫簾紋幾縷霞新迴波似笑還顰故向花闌閒繞背
人低掠鬟雲

虞美人

連雨生涼坐窗襟感

背燈坐聽深宵雨歷亂閒情緒芭蕉做就一天愁不道
楚魂銷盡懶悲秋 秋衫驗取新來瘦淚點秋衫袖空
階一碧展苔痕又是枕屏悶過幾黃昏

浣溪沙

用稼軒贈子文侍人笑笑韻示歌姬笑笑

肯信傾城屬恨人
九枝燈下見頻頻
玫瑰喚破小屏春
睡靨餘酣還勝醉
歌眉生小不工顰
喜神端的是花神

一枝春

同蘿雲游李氏園霜後桃梅海棠各發數枝用
草窗韻賞之

錯鑄春魂破初禪
驀墮一痕花雨流
塵暗數換了鶯邊
心緒吳霜鬢改儘
羞對露酣霞嫵算
綺思休便成灰散
雪更教重聚風光
暗歸何處記空枝
倦折愁歌金縷

歡期未晚試與巧翻芳譜
盡香碎粉怕嫌底冷
蕤還妬新夢後歸燕伶俜
替傳怨語

夜行船

秋夜

寒歛妝眉銷舊翠涼缸
炷暗憐花碎風露禁愁
星辰記夢秋比人憔悴
強遣閒情除是醉
偏醒了更慙慙地
斷雁來初殘鐘定後
說著銷魂未

倦尋芳

春鰈院聽慈卿度曲
用夢窗贈花翁舊歡吳門
老妓李憐韻

夢孤錦舸春攔朱欄空
惱鶯燕斷影菱奩曾照
淚花妝

面飄雨蹉跎蘅閣冷弄香僥倖梅屏見黯前情記雲鬟
替攏翠髻慵翦儘領略遂愁簫怨一霎飛紅殘鳩啼
徧依約嬌波勝似畫綃偷看燈暈迴顰秋恨瘦酒塵淹
淚春魂遠檢蠶絲又輕隨玳梁塵散

減蘭

露花疑泣不似春屏前度見悶倚殘尊悄借紅梨記夢
痕飄階螢火依約簾陰窺髻朶燈外朱樓閃入秋心
處處愁

踏莎行

和蒼虬韻

鏡翠銷香箏銀換字新寒不管花憔悴涼波洗盡夢千

重祇應瘦月知人意
別緒雲乖歡期夕逝
書沈空見飛鴻至
天涯那有未銷魂
從今怕記銷魂事

浣溪沙

絳蠟驚寒暗淚垂
隔簾風急弄箏遲
綺愁拚付小梅枝
醒後此情還似醉
夢邊何處是真歸
寂寥心事夜屏知

菩薩蠻

補題鹿樵為素筠所繪梅花小幅

冰天錯現東風面
綃痕迸淚紅深淺
風雨擱殘尊
新寒斷蝶魂
芳肌銷幾許
畫裏春無主
燈影暈羅屏
照伊幽夢醒

疏影

詠簾鉤

湘紋歛碧似柳絲悄挂風漾無力巧樣玲瓏撩起芳愁
庭外暗紅初積多情鰈影休驚散記半桁偷窺香鳥又
忍教鎖日間垂誤卻翠鈿消息 悽絕珠塵十里鬢絲
漸減了歡緒成擲月樣輕盈虛傍朱樓隔斷年時春色
金波易散珊瑚瘦怕燕子再來難識只錦絨牢繫相思
試問怎生支得

聲聲慢

賦秋柳

鞭痕舊陌遂語荒郵斜陽處處堪憐折盡風流傷心如

夢如煙蠻腰幾番銷減甚相逢偏是離筵歌簾遠縱青
青好在迴眼淒然誰信平生泥絮笑江潭晚別爾許
纏絲化作愁絲他時斷夢還牽殷勤好留霜影印秋痕
心上眉邊陽關曲倚西風空訴錦絃

東風第一枝

燕卿見示舊題桃花畫簷為五年前詞龕夜集
聯句芳塵移軫迴眄憮然為填是解

懺綺心孤題瓊夢遠天紅嚳亂誰主弄香替寫嬌鬟障
影記聞細語亭亭露井早占盡春前幽緒料別來羅袖
偷攜避卻繡簾鸚鵡香未散畫綃錦樹愁欲絕醉筵
金縷舊題話著詞龕笛外暗塵怕數猩痕半浣認幾點

歌唇殘雨算此情休付秋風說與斷腸崔護

齊天樂

社集舊賦秋燈意有未盡復成是解

蕉屏小枕初涼夜羈魂為伊憔悴剔桂香殘然蘭恨迸
別是新來滋味江郎老矣只冷燼孤花暗留懽意一樣
玲玢等閒牆角忍輕棄春枝曾分舞席憶羅幃半掩
釵玉聲膩雁後籠愁蛩邊伴影多少傷心難記霜衾喚
起怕翦碎柔紅夢痕俱墜瘦髣憑看一星星惹淚

相見歡

暗塵掩了簾牀藥煙涼悄指樓陰轉過又斜陽新夢
斷舊愁亂漫思量只似獮屏春影巧迷藏

前調

翦風不斷蘭薰裊春雲聽到一聲箏雁已銷魂
朱閣
雨翠帷語幾黃昏消得縷金衣上落花痕

燕山亭

憶城南舊游用彊村韻

小奴龍華吹散夢痕恨碧愁紅無數寒到鳳城十里珠
香賸有暗塵隨步清角無端鶯催起淚鉛如雨情苦賸
怨蝶重招瘦魂如縷
偏是花葉殷勤念滄海寒蓬雁
邊倦旅前度畫闌浣盡垂楊絲絲怎邀春住舊笑新顰
漫惹到鏡屏鸚妬輕去便斷影也隨風絮

鵲橋仙

新秋

雨螢影暗露蛩聲驟悄悄悽悽時候藕花風後豆花風
問涼到闌干知否 恩情紈扇風情羅袖爭得年光依
舊鏡波兜上一分愁怕人比桐陰先瘦

清平樂

涼夜和韻

翦燈誰話香閣無聊夜花影闌干微月下碎疊徐熙殘
畫 墜階螢火初明竹風涼到鶯笙換卻仙韶舊譜拍
來字字都生

附琬君作

舊游重話泛月橫塘夜青雀舟維垂柳下罨映溪

山如畫 歡塵歷歷分明歌成譜入瑤笙吹向露
荷深處薄羅雙袖香生

前調

夢邊涼雨夢覺秋何許南雁飛回煩寄語千萬將愁捎
去 側枝花壓重簾花情似我慊慊閒卻空房簞柱嫩
涼防到蔥尖

附琬君和作

一絲絲雨織得涼如許倦柳殘荷相對語惆悵不
如歸去 藥鑪香裊重簾簾中人鎖慊慊端的是
愁是病憑君試問眉尖

龍顧山房詩餘卷二

龍顧山房詩餘卷之三

絮塵詞

侯官

郭則澐

蟄雲

柳梢青

李園春游借少游韻

雨後鷗沙嫩陰低護幾樹天斜碎疊閒愁顛風捲去暗
付飛花 分明眼底天涯正淒黯啼來斷鴉帆遠漂愁
簾深隔夢春屬誰家

長亭怨

用越縵韻

數閒晝香泥飄斷夢到梅梁者番悽絕淚盡蘭巾瘦吟
慵檢舊題葉冷鴉心事料不共年芳歇試與問雕闌禁

幾度狂花吹雪 愁說乍朱樓曲罷流水鈿車催別虛
簾夜悄祇鐙萼春心偷結甚東風揉碎絲楊尚留得梢
頭斜月儘萬感尊前分付丁簾殘笛

暗香

詠衣桁

一行戍削認彩雲亂疊年時妝閣搭上闌干花氣餘熏
玉蔥掠還怕梅黃醖徧悄移向斜陽屏角儘暗繞春後
芳心寒暖細商略 鴛幄暗愁著妬錦袂卸初麝溫先
覺紅攏翠約偷眼檀奴奈輕薄多少香斑酒暈輕付與
蛛塵珠絡誤後夜裙帶影楚腰瘦卻

甘州

露臺晚眺

倚藂臺四望渺蒼煙寥天挂瓊鉤指霞綃揭處金鳬飛
舞迢遞鐙樓一派瑤空鳳吹風峭夜珠愁疑有仙車過
隱見青虬暗惜吳霜鬢短向煙波捎眼身世輕鷗怨
雲峰幻影殘畫黯滄洲儘安排孤懼閒醉怕春風不為
酒人留銷凝意倩紅兒唱恨咽箜篌

買陂塘

水香蓂秋集賦秋水

捲西風一行帆影空濛秋在何許滄波更比前番闊散
盡冷鷗閒鷺漂夢去賸荻響蕭騷似學愁人語萍踪漫
數奈廢苑菰沈空城潮打總是斷腸處悲涼意暗付

江湖倦旅蒼茫休問今古浮家便趁萼香好忍聽斷鴻
啼苦君記取儘照鬢年年添得吳霜縷歸心易阻又蘭
佩香薰桂旗影沒淼淼碧雲暮

湘月

岫雲寺延清閣月夜和息厂用石帚韻

一匳秋淨正山鬟半掩初迴蛾綠影入丹林清勝水兩
鬢霜華慵沐冷磬雲沈危闌露警礪響淙淙玉睡龍呼
起抱珠來伴幽獨 猶憶春枕僧窗風湍將夢去流花
難掬天上瓊樓還此夜草掩宮扉六六樹暗烏啼帷寒
鶴怨漫奏無愁曲佩鸞人遠舊題誰問巖竹

一萼紅

甕山賞雨和息厂用石帚韻

曲廊陰乍珠簾暮捲聽雨卧斜簷柳髮微勻荷盤欲碎
倚雲樓殿沈沈睇銅輦香塵洗盡賸寂歷煙語付青禽
夕榭紅欹秋厓碧老倦眼重臨一霎池灰劫換說霓
旌往事阿監傷心鳳艸浮蓑鸞扉浣蘚邀夢空記幽尋
漫重譜淋鈴怨曲冷叢淚猶顫藥頭金為問翠瀛淺後
怎抵愁深

倦尋芳

秋日重過瑩園借彊村韻寫感

磴深草掩樓迥花沈星髯傷晚盪影銀塘多少夢雲飛
散孤遂愁聽流水訴瘦筇閒寫斜陽怨睇煙林似湘皋

曲罷數峰青遠 賸一片荒亭殘柳皺盡詩心淒怨難
展踈徑春絲記拂舊時歌扇冷榭呼鷗人意懶寒畦招
蝶風光賤好樓臺更安排幾番腸斷

念奴嬌

中秋前一夕集冰絲盦對月

一觴秋滿向姮娥預借明朝佳節紅萼吹香春後夢重
覓苔廊心怯

今春曾招同人
賞海棠於此

檢點閒愁銷磨薄醉偏又

尊前別凭闌孤緒眼中憑向誰說 因念碧宇茫茫秋
心終古同付淒涼月後夜團圞應有待今夜雲羅千疊
挽住流光已非年少萬感催風葉杯痕須記晚來還照

華髮

瑣窗寒

答樊山丈見訊

綺閣籠陰羅屏掩雨夢隨秋瘦琴囊畫幃半被藥香熏
透黯關河暝笳漸沈雁箋盼斷新霜後問病懷幾許危
闌凭處髮疏於柳 辜負黃花酒記小榼江亭那回攜
手詞人散盡算只西山依舊想豪情恣寫醉綾紫萸采
罷香滿袖怕斜陽照到瓊華又是銷魂候

舊京社侶重
九日同集瓊

島登
高

蹋莎行

和雲盦韻

夢覺添癡愁來疑醉空房半晌惺忪睡相逢卻似路旁

塵爭如去後還相憶
鏡檻詩痕釵屏禪味瓊枝那管
人憔悴絮飛鶯老百思量
芭盤夜夜啼珠墜

前調

用石帚韻有贈

窺鏡眉低停箏語軟樊川夢後重相見
小屏紅燭夜寒多未春已被春愁染
心上鸞篋手中鴛線聞聲對影
愁天遠謝橋流水夢迢迢楊花猶欠東風管

清平樂

上元燈詞

銅街夜迥蹋徧金鳧影搖夢紅蓮風不定
一枕春醒吹醒白頭還對黿山人間換盡雕闌
片片粉蛾飛斷十

三樓上新寒

瑤花慢

詠水仙

疏脣半坼妝影冰匳認蘭香新謫宮黃深染殘夢後誰
問瓊臺消息吟竚離佩倚幽恨啼綃都濕待翠虬衝雪
歸時目斷幾番煙沙紫宸舊事淒迷山谷水仙詩何時持上紫宸殿
記醉舞緗裘香墜歌席湘波暮黯風髻瘦羞鬪玉奴顏
色寒泉漫薦早怨咽空江瑤瑟祇葳蕤冷抱冰心可有
春人知得

瑞鶴仙

集夢窗句

洞簫誰院宇，漸酒闌燭暗，春隨人去。輕陰便成雨，念青
絲牽恨，幾將花誤。游情最苦，盡日向流鶯分訴。莫重來
吹盡香棉，更惜鳳鉤塵污。輕許醉鬟留盼，小扇翻歌，
錦屏人妬。啼紅怨暮，還暗憶斷腸句。怕煙江渡後，疏簾
空捲，愁結傷春深處。最無聊，燕去堂空，夜溫繡戶。

菩薩蠻

春雪集吟風臺息尸立盦同賦

飛光遠近浮霜瓦，銀杯翻影隨驕馬。樓閣望中迷，輕煙
十二梯。迴看天盡處，白上河橋樹。小坐忍春寒，冥冥
待鳥還。

燭影搖紅

詠簾影

繡桁沈沈蕙薰扶起新寒淺玉鉤消息不分明人比天涯遠飄蕩東風未慣儘關情鶯窺燕盼乍移燈火又轉闌干湘魂愁顫深坐前宵畫堂斜掩金波滿朦朧花霧散如潮蜻翼捎香斷別緒春雲暗捲記殷勤驚鴻半面夜明空許覓徧芳塵黃昏亭院

定風波

詠夕陽

悵惘浮生短景催西風斷角送愁來換盡六朝金粉影爭忍暗紅還戀舊樓臺盼到妍晴休恨晚心遠天涯不共暮潮回一片蒼涼殘笛後知否江山如此使人哀

浪淘沙

竹窗坐雨適檢得內子雨中寄懷舊作因填是
解示之

竹淚雨斑斑綠上闌干西亭展卻水雲寬畫出瀟湘秋
意思一雁初還小枕夜香殘消盡悲歡籠鴛翠被怨
新寒知否一般銀燭底人隔重山

附琬君原作

淅淅復蕭蕭灑徧牆蕉漸飄漸急亂珠跳獨倚西
窗眠不得負此涼宵長簾捲冰綃未忍輕拋一
聲聲滴暗魂銷潤透青琴揩淨竹莫阻歸橈

法曲獻仙音

詠菊用石帚韻

輕靨娟寒瘦魂淒夕冉冉金飈來處一錢泉分半慊月
亞疏香暗傳瑤俎怕寸翦秋心苦沈吟背花去為誰
顧話淒涼舊籬都改幽夢殢應怯柘裙新舞破笑倚霜
清算柴桑孤約曾許點鬢蜂黃寫殘妝還乞妍句儘金
壘沈醉莫管明朝風雨

桂枝香

詠月餅

秋屏伴醉認七寶添修粉融酥膩偷得寒簧素影桂宮
知未顧清賦桂餅詩云波波休羨櫻桃節櫻笋宴設櫻
月殿有人留素影波祇團藥定如人意半焦禽喚一痕墓蝕暗憐風味
桃餠餠亦曰

念畫地浮名可似憶舊譜霓裳難尋殘字吟到金盤綵
屋總關秋思當筵碎寫山河影怕瓊肌新染鉛淚麥香
收後小團重瀾玉蟾如水

解連環

歲暮寄配盦濱江

夢長天窄念關山雪後故人行迹正旅夜殘角淒涼忍
重折瘦楊伴君寒色酒醒孤窗唳鴻遠浮雲東北況椒
觴泛淚柘鼓點愁歲華非昔芳韶幾番誤擲賸風燈
颭晚照鬢添白省怨風顰雨年年便釵勝重拈繫春無
力悶入黃昏又聞了花前詞筆倚繁霜冷絃萬感待誰
說得

青玉案

畫樓鎖怨參差柳記曾綰紅酥手為問行雲還在否春
塵珠鈿夜香羅幙暗淚花熏透歡期祇道尋常有別
後思量怕回首不信芳愁濃勝酒拚教孤醉醉魂輕蝶
夢挂梅枝瘦

菩薩蠻

和立盦韻

簫雲吹斷秦樓迥玉蟾還印闌干影來去兩無因春屏
夢裏人啣愁雙翠羽啼徧池南樹銀縷怨留香羅衾
一夜涼

樓前溝水漂香去空階猶記啼紅處片片是春愁春歸

愁在不 斜陽留一角低掠金鈴索蝶瘦枉相思花闌
影又移

暮寒愁沁歌眉淺借句樓梁夢燕如人倦心事怕春知多
情占盡癡 折枝還試繡指亂春綃皺別易見應難停
鍼思萬端

畫簾不到閒蜂蝶隔枝杜宇空啼血春影散如煙春心
年復年 玉笙渾懶品悶倚沈香枕仙佩去珊珊情天
月幾圓

探春慢

春日雪中得配奩塞上寄詞即依石帚韻倚聲
答之

小徑落荒重樓樹暗春寒猶殢蘭野過羽飛光游蓬斷
緒暗負吟船醉馬盼到邊鴻信奈獨繭愁絲難寫最憐
寄淚冰天錦絃淒怨如話聞說舞筵春好念否隔花
人杯醪慵把畫戟銷香珠簾尋夢還汝燕支嬌冶歸對
官梅晚定惆悵銀蟾西下還訊青禽幾時同醉芳夜

玲瓏四犯

齋頭小梅蕊落借彊村韻寫感

黯黯房櫳乍繞鏡飛梅珠箔歸晚小几蠻薰斜捲綺愁
成片仙佩悄熨春寒正暮雨懶調簾燕甚麝塵容易吹
散還傍醉巾重點冷瓊低亞紅闌半裊嬌雲似欹妝
面瑤臺夢後迴鸞舞誰道風情淺無那悄覓墜鈿應惜

取沾香羅薦倚怨歌空訴啼珠彈濕一行箏雁

戚氏

怪東風春來閒煞好簾窠倦燕愁歸瘦鸞羞舞錦屏空
惺忪覓芳叢殘花沁淚隔年紅鴛帷幾度傷別祇與塵
鬢記飄蓬帶眼量恨簫心傳怨絮飛繭老恩恩賸多情
賺得吟袖香褪羈枕雲慵回首鳳陌游踪珠箔翠桁
到處絆青驄妝臺畔吠花厖遠喚茗鸚逢十年中不道
酒醒疏鐘換了鏡裏愁儂錦韶瞥眼悄倚湘絃黯黯空
送春鴻只是閒哀樂低徊似夢夢也朦朧為問流鶯
解否奈啼香不到宋牆東枉教綠葉頻看綺蘭易謝渴
損珠房鳳又九光鐙下新寒重多少恨拚負香茸儘後

期月滿花濃怕當歌袂掩淚龍鍾甚行雲遠春山影在
朵朵芙蓉

眉嫵

和息尸賦昆明湖香山行宮桃花用石帚韻

認朱樓連苑幾樹東風妝淚炫春眼乍弄朝霞影鸞車
渺芳心空鬪釵燕醉襟細款繞畫闌多少清感記簾外
對按平陽舞正歌袖香暖何限仙雲輕散枉縷巾紅
蘸愁倚青翰飄夢霓旌路尋源去綠波還絆柔纜膩脂
暗點話舊香瑤島天遠恁低靨無言渾不似武陵見

綺羅香

鈿萼籠香匳波漾夢慊外閒鶯休妬瘦損花魂怕聽四

絃金縷認心事幾曲闌干斜陽影暗留春住記年時手
種垂楊綠陰遮徧畫樓路 蘭成同是倦旅愁說閒鴛
舊約江湖歸去冷鬢偎煙換了酒懷琴緒便殷勤扶起
薦紅還擔盡夜來風雨賸空階細拾香塵斷腸聞杜宇

百字令

柳墅感舊用稼軒韻

蕭疏殘柳問何人憑弔西風時節亂葉堆黃池上徑水
鳥飛回寒怯虹影移舟鶯聲勸酒舊夢傷輕別斷碑榛
掩舜鏡遺事休說 飛絮記拂春旗仙艫去後淒黯前
朝月殘刼樓船收拾盡餘恨滄波重疊蕃塚雲迷野亭
水繞幾樹偎煙折靈和天渺客游應感華髮

桂枝香

瓶桂初開因憶且園池上桂樹

冰蟾寫韻正鈿粟吹香畫簾徐引消受蜂黃數點廣寒
秋近分明澹領初禪意奈閒愁風旛無準醉魂揉碎詩
心兒起夜屏金粉似報與東堂近訊憶邀月池亭露
涼雙鬢多恐飛來珠雀舊叢荒盡飄零漢殿新霜後問
幽巖誰共招隱倚闌重按瑤園怨曲玉笙愁損

薄倖

雲盒詞來睠夢歌離鬱伊多感依韻慰之

狂香飄夢早顛倒雲屏渴鳳問幾許華年心事暗借錦
絃催送甚東風吹絮成塵流鶯別後春寒重待鈿閣量

愁簫屏尋約除是星娥許共
還惜取垂楊瘦曾繫著
琬鞍珠鞵丁甯雙青鳥
瑤雲捎去琴心掩抑朝飛弄又
淒飈動怨伶俜恨葉愁根錯向當時種
孤醒易感拚取
欹簪醉甕

霜葉飛

得舜卿弟里中書賦此寄懷

倚樓人暮孤愁迫浮雲遮斷鄉樹朔風吹雁送書來寒
帶滄江雨念一霎輕漚迅羽浮生能幾連牀語莫漫說
歸期冷夢落西堂瞥眼綠蕪如許應省汎梗中年焚
蘭短刼客游多少歧路暗塵銷盡鬢青青偏是愁長駐
正作惡顛風斷渡荒波看盡冰夷舞又峭寒收燈後故

攏關心野梅開否

甘州

詠寒雞

更伊誰拔劍舞中宵荒埭噤無聲正繁霜淒感青頭歌
罷北斗冥冥喚起晨光何許凍雀隔枝醒看盡閒坊鬪
幾局輸贏憶否楓廬貂煖乍籌傳絳幘唱徹宮城甚
流年斷尾語鶴暗心驚睇滄溟桃都天遠問淮王丹鼎
幾時成相憐意倩梅家筆試寫疏翎

掃花游

忺盒來自閩中為話石鼓山寺紅梅一樹初發
因憶辛丑前游奄逾廿載故林春在塵夢都非

悵成是解

故峰碧罨乍倚竹凝妝墜鈿聲悄雪香路杳遞新愁暗
付翠禽啼小冷約疏鐘幾疊瑤雲鏡曉剩寒峭漸吹淡
舊紅春夢醒早吟望心縹緲憶數點山屏鬢綠分照
麝塵易掃問瓊妃舊苑更誰重到倦眼天涯笛外東風
換了待歸棹怕繁枝也羞衰帽

瑞龍吟

朱樓路猶是曲檻迷花暗鐙飄雨無端羅幕新寒秋陰
減了西亭碧樹倦凝佇淒絕畫簾重捲燕梁無主門
前便是青蕪夕陽似戀斑駁繫處誰省箏邊幽意冷
尊慵對飛香狂舞曾記小桃開時腸斷前度紅薦翠浣

花底頻迴顧空消受鸞奩怨黛鴛幃淒語夢裏流光去
更堪醒後愁添錦柱零亂風簾絮心事泠依依金爐殘
炷等閒說共舊屏鸚鵡

採芳信

飛翠軒詞集看杏花念奴盦南行有日息方
作大覺寺之游悵然倚此


欸芳晝正絳蠟凝妝紅簾勸酒漸鳳樓人老春似舊時
否飄零瓊苑無消息閒付填詞手更關心細雨江南錦
帆歸後風信幾番透待醉覓花村夢尋蘿岫客燕年
光詩卷儘消受香林十里垂鞭路宮錦應裁就負春韶
怕惹流鶯暗呪

蝶戀花

和雲龕韻

狂索花枝同醉倒
醉將柔香那管游
蜂惱紅到芙蓉芳
訊少無聊偏是斜陽早
商略清游隨意好
流水車塵目斷青門道
換盡樓臺人未老
羅裙行處生秋草

龍顧山房詩餘卷三



欽定四庫全書

